

REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 06-08-2026

Mødedato Torsdag d. 06. august 2026 kl. 19:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Kommuneqarfik Sermersuumi Ulluunerani neqeroorutitut Immikkoortumut pilersaarutip killiffia...	6
Kommuneqarfik Sermersuup, Kalaallit Nunaanni Innuttaasut Peqqissusaannik Ilisimatusarfiup aam	9
Atuartut angerlarsimaffiannut immikkoortumut pilersaarummi suliniutitut killiffik 2026.....	11
Nuummi Oqallittarfik - 'Inuussutissarsiornermut isumassarsiorfik' pilersinneqarnissaa.....	13
Illu aalaffiusoq Nuussuaq, Nuuk.....	15
Innuttaasumit siunnersuut: Kuummiini Kulusummilu Minihali.....	17
Lukket.....	19
Tamalaat.....	19
Imaqarniliap akuerineqarnera.....	20

Kommuneqarfik Sermersuumi Ulluunerani neqeroorutitut Immikkoortumut pilersaarutip killiffia 2026

Ilisimatitsissut

SagsID.: EMN-2026-01603

Meeqqanut Atuarfeqarnermullu Ingerlatsivik – pisortaq Tina Evaldsen / TIEV

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuup ulluunerani neqeroorutitut immikkoortumut pilersaarutaa, ulluunerani neqeroorutitut suliassaqaarfiup inerisarnissaanut pingaarnertut pilersaarusiornermi aqutsinermilu sakkussatut atugassaq, ulloq 13. februaari 2023-mi kommunalbestyrelsimit akuersissutigineqarpoq. Immikkoortumut pilersaarummi suliniutit pingaarnertut qitiutitassanut tallimanut agguataagaapput, tassaniippullu suliniutit katillugit 38-t. Qitiutitassat tallimat aallaavigalugit immikkoortumut pilersaarummi suliniutit matumuuna Meeqqanut Atuarfeqarnermullu Ingerlatsivimmiit saqqummiunneqarput. Immikkoortumut pilersaarummi suliniutit 38-t akornanni 37-t aallartinneqarsimapput, taakkunanit 19-it ingerlaartut, 13-it naammassineqarsimasut ataaserlu aallartinneqarsimanngitsaq malinnaatitsilluni killiffissiuinermi takuneqarsinnaavoq.

Sulisussarsiniarneq sulisooreersunillu tigumminniinnarneq

Sulisussarsiniarnermi sulisooreersunillu tigumminniinnarnermi suliniutit arfineq-pingasusut akornanni arfineq-pingasut aallartinneqarsimapput, taakkunanit arfinillit ataavartumik ingerlanneqartuupput ataaserlu naammassineqarluni. Perorsaasunik ilinniarsimasunik atorfinitsitsiniarneq ajornakusoormat, suliassaqaarfik ajornartooqqaffiusumiippoq. Atorfiit inuttassarsiornerni allagarsiussat pitsaangorsarlugit, erseqqinnerulernissaq, atorfinitsitsiniarnermi isiginnaagassiat, suliffimmik misiliisunik suleqateqarnerit aqutsisullu piginnaangorsarneri ingerlatsivimmiit suliarineqarput. Flyverpædagogitut aaqqiissut 2025-mi paaqqinnittarfiit tapersersorneri pitsaangorsarniarlugit flyverstillinginut allangortinneqarput aamma sulilernermi najoqqutassat napparsimalluni sulinngitsoortarneq pillugu oqaloqatiginnittarnerit pillugit Sulisoqarnermut immikkoortortamik Suliffeqarfimmullu Kiffartuussivimmik qanimut suleqateqarnissaq suli pisariaqartinneqarpoq.

Ilinniartitaaneq piginnaangorsaanerlu

Ilinniartitaanermi piginnaangorsarnermilu suliniutini pingasuni ataaseq naammassineqarpoq marlullu ingerlaarlutik. Sulisussarsiniarnermut sulisooreersunillu tigumminniinnarnermut ilinniartitaaneq piginnaangorsarnerlu ingerlatsivimmi pingaarnersiugaapput pingaarutillit. Ilinniarsimasut amerlisarnissaannut suli ingerlatsivimmiit sulissutigineqarput. 2025/2026-mi siusinnerusukkat Ulluunerani meeqqanik sullissinermi ikiortinngorniat eksamenernermit peqataasimanngitsut ilinniakkami naammassinissaannut periarfissinneqarput.

Tamatuma saniatigut PI/SPS suleqatigalugu isumaginninnermi ikiortit perorsaasutut ilinniagaqartinnissaannut suliniutitut misileraataasumik ingerlatsivik suliaqarpoq. Suliniuteqarnermi ingerlatsiviup aamma Kommunalbestyrelsen akornanni assigiinngitsunillu suliaqartut suleqatigiinissaat pisariaqarpoq, pingaartumik pisariaqartitat Naalakkersuisunut erseqqissarnerulernissaat eqqarsaatigalugit.

Ikaarsaariarneq pitsaasoq

Pitsaasumik ikaarsaariarnermi suliniutini 17-ini aallaartinneqarsimapput, taakkunanit qulit ingerlaarlutik tallimallu naammassineqarlutik. Meeqqat ulluunerani paaqqinnittarfinni aallartinneranni aamma meeqqerivimmiit atuarfimmumut, atuareernerup kingorna ornittakkamut sunngiffimmilu aaqqiisummut toqqissisimanartumik ataqatigiisumillu ikaarsaarnissaat piniassammatt, ataatsimut najoqqutassat, assigiinngitsunik suliallit suleqatigiinnerat aamma aaqqissuussaasumik paasisanik avitseqatigiinneq nangittumik sulissutigineqarput. Suliniutit arlallit sulit tamakkiisumik aallartisarneqannginnamik, suliaasaqarfik sulit ataqatigiissagassaavoq.

Angajoqqaanik suleqateqarneq pitsaasoq

Angajoqqaanik suleqateqarneq pitsaasumi suliniutit arfineq-marluk akornanni arfineq-marluk aallartinneqarsimapput, tallimat naammassineqarsimallutik ataaserlu ingerlaarluni. Sulissutigineqartut ilaatigut tassaapput paaqqinnittarfiit pillugit atortussat nutarterneri, atuisunik ataatsimiititsinerit, nereqatigiittarnerit, sumiiffigisami tikilluaqqusinnermi atortussat aamma angajoqqaanik attaveqaqateqarlualernissamut allaffissornermullu tunngasunik nukittorsaaussanik atuarfinnut ulluuneranilu neqeroorutitut intranetikkut atortorissarutit ataatsimoortut inerisarneri.

Paaqqinnittarfik

Paaqqinnittarfimmi suliniutit pingasuusut akornanni marluk aallartinneqarsimapput, ataaseq naammassineqarsimalluni. Suliniut kingulleq atorunnaarsinneqarsimavoq. Sulissuteqarnermi init aaqqissuussaannerat, sapigaqartunut naleqqussaannerit meeqqallu ataasiakkaat pisariaqartitaannik pingaartitsineq pineqarput. Suliniutit init avatangiisaasut, attaveqaataasartut, pinnguarneq sammisassallu qitiutillugit inerisaanermut nakkutiginninnermullu 2025-mi sakkussatut eqqunneqartut KIDS-imut ilanngunneqarput. Sakkussat sumiiffigisami periuseqarnermi atuutilersinnissaat nangittumik ingerlanneqassapput. Tamatuma saniatigut ulluunerani paaqqinnittarfik sapigalinnut naleqqussakkatut pilersinneqartoq, 2025-mut missingersuusiornermut atatillugu suliniutitut atorunnaarsinneqarpoq.

Ataatsimut naliliineq

Sulisussaaleqinerup aaqqiivigineqarnissaa Meeqqanut Atuarfeqarnermullu Ingerlatsivimmiit nangittumik ukkatarineqarpoq. Perorsaasunik ilinniarsimasunik amigaateqarneq ilaatigut, flyverpædagoginut aaqqiisummik suliniut 2025-mi sulisussaaleqinertut taaneqartup pitsanngorsaaviginissaa siunertaralugu, flyverstillingimut allanngortinneqarneranik kinguneqarpoq.

Suliniutit allat eqqarsaatigalugit assigiinngitsunik sulialinnik ilaatigut Sulisoqarnermut immikkoortortamik aamma Suliffeqarfimmumut Kiffartuussivimmik, Attaveqaqatigiinnermut immikkoortortamik aamma PI/SPS-imik qanimut suleqateqarneq pisariaqartinneqarpoq. Malinnaatitsilluni immikkoortut pingaarnerit taamaallutik tassaatinneqarput sulisussarsiniarneq,



piginnaanngorsaaneq, digitalikkut aaqqiissutit, sumiiffigisami KIDS-imik pigiliussinerit aamma ikaarsaernerit pillugit aaqqissuussaasumik suleqateqarnerit angajoqqaanillu suleqateqarnerit.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuup Ulluunerani neqeroorutitut immikkoortumut pilersaarussiaa 2022-2030
- Meeqqanut sulit atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Ilanngussaq

1. 2026 Ulluunerani neqeroorutit pillugit immikkoortumut pilersaarummik killiffissiorneq

Kommuneqarfik Sermersuup, Kalaallit Nunaanni Innuttaasut Peqqissusaannik Ilisimatusarfiup aamma Paarisap akornanni peqatigiinnissamik isumaqatigiissut

Ilisimatitsissut

SagsID.: EMN-2025-01629

Meeqqanut Atuarfeqarnermullu Ingerlatsivik – pisortaq Tina Evaldsen / TIEV

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut Atuarfeqarnermullu Ingerlatsivik Kommuneqarfik Sermersuup, Kalaallit Nunaanni Innuttaasut Peqqissusaannik Ilisimatusarfiup (CFG) Paarisallu akornanni suleqatigiinnissamik isumaqatigiisummik siunnersuusiortoq. Tamanna 1. februaari 2024-mi politikikkut aalajangerneq malillugu pivoq, tassa Sermersuumi aqqissuussaalluartumik peqqinnissamik siuarsaanissaq pitsaaliuinissarlu pillugit ilutsimik ineriartortitsinissaq anguniarlugu.

Peqqinnermik Siuarsaanermut Pitsaaliuinerimullu Periusissiaq 2023 - 2030 Inuuneritta III-lu tunngavigalugit suleqatigiinnermi meeqqat inuusuttullu atugarissaarnerat peqqissusaallu pitsaanerulersinniarneqassapput. Islandimi iluseq Qeqqatalu Kommuneani misilittakkat, Kalaallit Nunaannut naleqqussarlugit iluseq suliarineqarpoq. Siunertaavoq aqqissuussaalluartumik peqqinnissamik siuarsaanissaq nunaqatigiinnut tamanut sammissasoq, sumiiffimmilu aallaveqassalluni.

Suliniut akuerineqassappat Paamiut inoqarfiillu Paamiunut atasut siulliullugit suliniuteqarfiussapput. Tamanna Paamiut Asasara 2.0 aallartinneqarneranut 2027-p aallartinnerani ilanngullugu aallartinneqassaaq. Suliniutit innuttaasut suliaqartullu suleqatigalugit najukkamut naleqqussagaassapput, ataavartumillu malinnaaffigineritugit pitsaassusaanik qulakkeerinnittoqartassaaq CFG-miillu paasissutissanik katersisoqassalluni. Isumaqatigiissut sinaakkusiisuvoq, kommunimi periusissiat aamma suleqatigiinnissamut isumaqatigiissut naapertorlugit pissutsit malillugit allanngorarsinnaalluni atuutsiartuaarlunilu ingerlatsinissamut tapersersuisuulluni. Illoqarfiit, inoqarfiillu taakkununga atasut suleqatigiinnissamut isumaqatigiisummi ilutsimut ilaatinneqassapput, tassanilu piffinni tamani ingerlatsisoqassalluni, aallartitsisoqartarlunilu ukiut marluk ingerlaneranni assigiinngitsutugit ukkatarineqartarumaarpoq.

Ingerlatsivimmit aningaasatigut sulisoqarnikkullu naliliinerit

Pilersaarutip ingerlannissaanut immikkut politikikkut aningaasaliisoqarnissaa apeqqutaassaaq, missingersuutaareersuniillu aallartisarneqarsinnaanngilaq. Taamaattumik 2027-mut missingersuutitut immikkut missingersuutitut siunnersuuteqartoqassaaq.

Suliniummumut aqutsisutut atorfirmumut aningaasatigut pisariaqartitsisoqassaaq (ukioq tamaat suliffik ataaseq), ataatsimiinnernik workshoppertitsinernillu ingerlatsinerit kiisalu angalanernut

anigaasartuutit. Angalasarnissat naatsorsuutigineqarput illoqarfinnut ukiumut pingasuusarnissaat inoqarfinnullu ukiumut marluusarnissaat. Najukkani sulisooreersut akornanni najukkami akisussaasutut toqqaasoqarnissaa pilersaarutaavoq taamaattumik immikkut aningaasaliisoqarnissaa pisariaqarani.

Ingerlatsivimmit suliniut kommuneqarfiup Peqqinnermik Siuarsaanermut Pitsaaliuinnermullu Periusissiaata piviusunngortinneqarnissaanut annertuumik tunniussaqaassasoq nalilerneqarpoq.

Tamanna pillugu inaarutaasumik aningaasaliisoqarnissaa qulakkeertinnagu suleqatigiinnissamut isumaqatigiissut atuutilersinneqassanngilaq. 2027-mut missingersuutini akuersissutigineqassappat 2027-imi januaarip aallaqqaataani aallartinneqarnissaa naatsorsuutaavoq.

Missingersuusiornermut Naatsorsuusiornermullu Immikkoortortamit aningaasatigut naliliineq

Oqaaseqaatissaqanngilaq.

Inatsisitigut tunngavissaq allakkallu tunngaviusumik uppersaattillit

- Kommuneqarfik Sermersuumi kommunalbestyrelsimi 2025-miit 2029-mut Inuit Ataqatigiit aamma Demokraatit suleqatigiinnissamik isumaqatigiissutaat
- Meeqqanik inuusuttunillu suliasaqarfinni Peqqinnermik Siuarsaanermut Pitsaaliuinnermullu Periusissiaq 2023-2030
- Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut 2023-2027
- Inuuneritta III

Ilanngussat

1. KS Peqatigiinnissamut isumaqatigiissut 2026

Atuartut angerlarsimaffiannut immikkoortumut pilersaarummi suliniutinut killiffik 2026

Ilisimatitsissut

SagsID.: EMN-2026-01336

Meeqqanut Atuarfeqarnermullu Ingerlatsivik – pisortaq Tina Evaldsen / TIAL

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. ilisimatitsissut Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliamik saqqummiussineq

Kommunalbestyrelsip oktobarip ulluisa tallimaanni 2021-mi Kommuneqarfik Sermersuumi Atuartut angerlarsimaffiannut Immikkoortumut pilersaarut akuersissutigaa. Atuartut angerlarsimaffiinnik neqeroorutit taavalu pitsaassusaasa inerisarneqarnissaat immikkoortumut pilersaarummi siunertaavoq, taannalu Nuummi atuartut angerlarsimaffiinnut 20-nik sukumiisunik suliniuteqarfinnik aamma Tasiilami atuartut angerlarsimaffiinnut 22-nut sukumiisunik suliniutinik imaqartinneqarpoq. Immikkoortumut pilersaarut ukiut tamaasa malinnaavigineqartassasoq, piviusumilli ukioq allortarlugu pisarteq, immikkoortumut pilersaarummi takuneqarsinnaavoq. Meeqqanut Atuarfeqarnermullu Ingerlatsivimmi atuarfeqarnermut immikkoortortamiit Nuummi aamma Tasiilami kommunip atuartut angerlarsimaffiini aqutsisut peqatigalugit 2026-mi februaarip qaammataani immikkoortumut pilersaarut kingullermik malinnaavigineqarpoq.

Immikkoortumut pilersaarummit suliniutit kiisalu 2024-mi malinnaaviginninnerup siulianiilli allanngoriarfiusut killiffiisa pingaarnertut nutarterneqarneri tullinnguuttumiipput.

Nuummi atuartut angerlarsimaffianni suliniutit killiffiat

Nuummi atuartut angerlarsimaffianni immikkoortumi pilersaarummi suliniutissanit 20-nit 16-it aallarteriinngikkunik naammassineqareerput.

Atuartut Nuummi atuartut angerlarsimaffianniittut Atuarfik Inussummi aallartittassasut maanna aalajangersimasuuvuq, taamaalillutik atuarfimmi ataatsimi atualertarlutik. Mentoreqartitsinnermi atuartunut aalajangersimasumik pisarpoq, tassanilu nerisassiornermi aamma nerisanut pilersaarutitut sunniuteqarlutik peqataasarlutik. Atuartut meeqqat atuarfiannit anigunik misilitsinnerminnillu naammassinnikkunik pilersaarutaat kiisalu misilitsittarneri pillugit paasissutissanik katersineq unittoqqavoq. Paasissutissanik katersinissamut nalunaaruteqartarnissamut immersuiffissaliortoqassaaq suliniutillu taakkua atuutilersinneqarnissaannut ukkataqarneq ingerlatiinnarneqassalluni. Meeqqanut Atuarfeqarnermullu Ingerlatsivimmi peqqinnermut pitsaaliuinnermullu siunnersortit peqatigalugit pimmatiginnittarnerup akiornissaanut periusissiaq nangittumik suliarineqassaaq.

Tasiilami atuartut ineqarfiat pillugu killiffik

Tasiilami atuartut angerlarsimaffianni maani immikkoortumi pilersaarummi suliniutissanit 22-nit 17-it aallarteriinngikkunik naammassereerput.

Nerisaqarnermut aaqqiissut pillugu suleqatigiinneq pisiortorfigisamut nutaamut atuartut angerlarsimaffiannut nerisanut pilersaarummik ataavartumik nassiussisartumut ingerlateqqinneqarpoq, aamma pilersaarusiornermi najugaqartut siunnersuisooqatigiivisa



peqataatinneqartarnissaat sulissutigineqarpoq. Tasiilami atuartunut angerlarsimaffimmik nutaamik sanaartortoqassanngitsoq peqataanik aalajangerneqarpoq.

Sulinerup ingerlaqqinnera

Immikkoortumut pilersaarummi suliniutit amerlanerpaartaat aallartinneqariingikkunik atuartut angerlarsimaffiini marluusuni naammassineqareertarput. Taamaattorli suliniutit sisamat suli aallartinneqanngillat. Pineqartut tassaapput suliffeqarfitsialaap oqaasertalersornissaa, aqutsisut atuuffiisa nassuiaataat, perorsaaniikkut naleqartitaliorneq kiisalu atuartut angerlarsimaffiisa pulaarnissamut piareersaatissat iluanni aningaasanik piareersarneq.

Taamaattumik suliniutit pineqartut aallartisarnissaat naammassineqarnissaalluunniit Meeqqanut Atuarfeqarnermullu Ingerlatsivimmi atuarfeqarnermut immikkoortortamit ukkatarineqassapput. Atuartut angerlarsimaffiini marluusuni aqutsisut ataatsimoortinnissaat aamma suliniutit aallartisarneqanngitsut naammassineqanngitsulluunniit ukiup naannginnerani immikkut ittumik sammisaqartissallugit pilersaarutaavoq. Tamatuma saniatigut immikkoortumut pilersaarut naliliivigeqqinneqassanersoq nutarterneqassanersorluunniit Atuarfeqarnermut immikkoortortamiit misissuataarneqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersarsaatillit

- Kommuneqarfik Sermersuumi atuartut ineqarfiinut immikkoortumut pilersaarut 2021
- Atuariartortunut atuartut angerlarsimaffianiititsisarneq pillugu Namminersorlutik Oqartussat nalunaarutaat nr. 76, 21. december 2021-meersoq

Ilanngussaq

1. Tasiilami atuartunut angerlarsimaffimmik killiffik - februaari 2026
2. Nuummi atuartunut angerlarsimaffimmik killiffik - februaari 2026

Nuummi Oqallittarfik - 'Inuussutissarsiornermut isumassarsiorfik' pilersinneqarnissaa

Aalajangiiffigisassaq

SagsiD.: EMN-2026-01776

Meeqqanut Atuarfeqarnermullu Ingerlatsivik – pisortaq Tina Evaldsen / TIAL

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. Inuussutissarsiornermut isumassarsiorfiup pilersinneqarnissaa akuerineqassasoq
2. Sermersuumi inuussutissarsiornermut isumassarsiorfik Meeqqanut Atuarfeqarnermullu Ingerlatsivimmit pilersinneqarnissaa, ingerlanneqarnissaa akisussaaffigineqarnissaalu akuerineqassasoq

Suliassamik saqqummiussineq

Nuummi Oqallittarfimmi suleqatigiit 5, ilinniarneq, praktikkerneq piginnaanngorsaqqinnerlu pillugit sulissuteqartut atuariit suliffeqarfiillu akornanni aqqqissuussaannerusumik tikikkuminartunillu attaveqariaatsit atorlugit meeqqat atuariata inuussutissarsiteqartullu akornanni suleqatigiinnerit pitsaanerulersinniarlugit periarfissat oqaluuseraat. Suleqatigiit Kulturimut isumassarsiorfimmi misilittakkat toqqammavigaat, taanna ullumikkut digitalikkut nittartagaq atoruminartoq atuarfinnullu neqeroorutinut aqqqissuussaq piuminartoq aqqutigalugu atuarfinnik kulturilerisunillu atassusiisartutut ippoq.

Meeqqat inuusuttullu kommunimi inuussutissarsiteqartunik aammalu ilinniarfiusinnaasut suliffiusinnaasullu pillugit siammasinnerusumik suliaannillu ilisimasaqarnerulersaat siunertaavoq.

Tunuliaqutaa pisariaqartitallu

Suleqatigiit ullumikkut atuariit suliffeqarfiillu assigiinngisitaartunik - soorlu suliffeqarfinnut pulaartarnerit, pulaartut saqqummiisarnerat, praktikkerarneq aamma immikkut sammisaqartitsinerit - pitsaasunik suleqatigiittoqartartoq erseqqissaatigaat. Taakkunani suleqatigiinnerni inuttut ataasiakkaatut atassuteqarnissamik ataasiakkaanillu ilungersuussilluartartoqarnissaanik piumasaqaatitaqakkajuttarput, taamaattoqartarneratalu atuarfinnut amerlanerusunut suliffeqarfinnullu amerlanerusunut siaruarternissaanut ajalusoorinissaa qaninnerusarlunilu ilungersunarnerusarpoq.

Taamaattumik aqqqissuussaannerusumik ataatsimoorussamillu aallarniuteqartarnissaq pisariaqarneruvoq, taamalu atuariit suliffeqarfiillu imminnut nassaariuminarnerussallutillu suleqatigiinnerit pisariunngitsumik tamakkiinerusumillu takunnissinnaalluni aallartinneqarsinnaassapput.

Inuussutissarsiornermut isumassarsiorfik – pingaarnertut isumassarsiaq

Suleqatigiit Inuussutissarsiornermut isumassarsiorfik pilersinnissaa siunnersuutigaat - Kulturimut isumassarsiorfik tunngavigalugu isumassarsiarineqartoq digitalikkut nittartagaq aamma suleqatigiinnissamut aqqqissuussineq.

Inuussutissarsiornermut isumassarsiorfik ataatsimoorussamik allattorsimaffittut aamma attaveqartarfittut atuutissaaq, tassanilu:

- atuarfiit ilinniartitsisullu suliffeqarfinnut pulaarfissat, saqqummersitassat, piviusumit oqaluttuat aamma ingerlanneqartut nassaaresinnaassavaat
- suliffeqarfiit suliffeqarfeqarfiit pillugit ilisimasaminnik, piffissaminnik paasisimasaminnillu avitseqateqarnissaminnik neqerooruteqarsinnaapput
- illuatungeriit suleqatigiinnermut ersarissumik attaveqarnissamut paasisutissanik killiliussanillu peqassapput

Kulturimut isumassarsiorfimmu sanilliullugu suliffeqarfiit tunniussaminnut akilertittassanngillat, inuiaqatigiinnili akisussaaffimmik tigusiullutik, sulisussarsiorarneq najukkamullu atanissaa eqqarsaatigalugu nammineq kajumissutsimik ingerlatsinerussaaq.

Suliniutinut allanut ataqatigiinnera

Inuussutissarsiornermut isumassarsiorfik suliniutinut pioreersunut tapertaasinnaassaaq, tassanilu inuussutissarsiorneqartut atuarfiillu naapeqatigiittassapput - tassungalu ilanngullugit ilinniarneq pillugu nittarsaassinerit, suliffeqarfinnut pulaarnerit aamma immikkut ittumik sammisaqarnerit - ataavartumik digitalikkut attaveqaasersuinikkut suleqatigiinnerup pilersinnissaa ajornannginnerulerlunilu uteqqinneqarsinnaassaaq.

Ingerlatsivimmit aningaasatigut sulisoqarnikkullu naliliinerit

Suliffeqarfiit tunniussaminnut akissarsisinneqartassanngimmata aningaasartuutissat pingaarnerit tassaanerussapput Inuussutissarsiornermut isumassarsiorfimmik pilersitsineq ingerlatsinerlu:

- digitalikkut nittartakkamik ineriartortitsineq ingerlatsinerlu
- atuarfiit suliffeqarfiillu suleqatigalugit ataqatigiissaarineq, pitsaassutsimik qulakkeerinninneq aamma oqaloqatiginninnerit

Suliniut Meeqqanut Atuarfeqarnermullu Ingerlatsivimmit aningaasanik atorneqanngitsuukkanik aningaasaliiffigineqarluni ingerlanneqartussaassaaq .

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaaq allakkallu tunngaviusumik uppersaatiillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq.

Ilanngussaaq

Soqanngilaq.

Illu aalaffiusoq Nuussuaq, Nuuk

Aalajangiiffisassaq

SagsID.: EMN-2025-03210

Meeqqanut Atuarfeqarnermullu Ingerlatsivik – pisortaq Tina Evaldsen / TIEV

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. Issittumi Illu Aalaffiusumut pilersaarummut titartagaliaq akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqineqassasoq

Suliamik saqqummiussineq

Sanarfinermut Avatangiisinullu Ingerlatsivimmit aamma Meeqqanut Atuarfeqarnermullu Ingerlatsivimmit Nuussuup Timersortarfianik ineriartortitsinissaq pillugu misissueqqaarneq matumuuna saqqummiunneqarpoq.

Misissueqqaarneq pilersaarummut titartagartaliornermik kinguneqarpoq, tassani timersortarfiup pioreersup issittumi illu aalaffiusumut ineriartortinnissaa allaaserineqarpoq, taanna aalanissamut, ilinniarnissamut, ataatsimoorneq isersimaarfiunissamut inissaqassalluni. Pilersaarummut titartakkami ilaatigut qitiusumik naapittarfik iggavittalik isersimaartarfitalillu, kulturikkut aalanissamullu inersuit kiisalu aalanissamut, pissittaarnissamut, qallornissamut nukkassarnissamullu atortut ilaapput, taamaalilluni timersortarfik sammisassanut atuisunullu arlalinnut inissaqassaaq.

Pilersaarummi peqqissuunermik, atugarissaarnermik ataatsimoornermillu siuarsaataasumik inuiaqatigiinnut ammasumik peqataatitsiffiusumillu naapittarfimmik pilersitsinissaq siunertarineqarpoq. Peqatigitillugu pilersaarut ulluinnarni sunngiffimmilu aalanermut pitsaannerusumik atugassaqtitsilissaaq aamma atuarfinnut, paaqqinniffinnut peqatigiiffinnullu tapertaalluni kiisalu Nuussuullu ataatsimut kiverneqarnissanut iluaqutaassalluni.

Pilersaarummut titartagaq sumiiffinni misissuunermik ingerlanneqartunik aamma innuttaasunik atuisunullu annertuumik peqataatitsinermik tunngaveqarpoq, tassani kissaatit pisariaqartitalu tiguneqartut pilersaarutip imarisaanut atorineqarneranullu tunngavissiipput.

Pilersaarummut titartagaq pilersaarummik inerisaaqqinnissaaq siunertaralugu akuersissutigisassanngorlugu saqqummiunneqarpoq, matumunnga ilanngullugit missiliuutitut naatsorsuutitalimmik pilersaarutitut siunnersuusiorneq kiisalu pilersaarummik piviusunngortitsinissamut aningaasaateqarfimmik tunissuteqarfigineqarnissamut qinnuteqaasiorneq.

Ingerlatsivimmit aningaasatigut sulisoqarnikkullu naliliinerit

Pilersaarummut titartagaliorneq Aningaasaliissutit 23-mit – Aningaasaateqarfimmit Aningaasaliissutinit aningaasalerneqarpoq. Sanarfinermut Avatangiisinullu Ingerlatsivimmit ukioq naallugu suliaqarnerit 1/2-it nalingi atorineqarput aamma kommunimut pilersaarummik aqqissuussinermut ukioq naallugu suliaqarnerit 1/3-t atorineqassasut naatsorsuutigineqarpoq.

Missingersuusiornermut Naatsorsuusiornermullu Immikkoortortamit aningaasatigut naliliineq



Pisariaqanngilaq.

Inatsisitigut tunngavissaq allakkallu tunngaviusumik uppersaarsaatillit

- Kommunimut pilersaarut digitalusoq www.kp.sermersooq.gl
- Pilersaarusiornermut periusissiaq 2023
- Illoqarfiit pingaarnersaat pillugu periusissiaq Nuuk 2035
- Meeqqanik inuusuttunillu suliaasaqarfimmi Peqqinnermik Siuarsaanermut Pitsaaliuinerimullu Periusissiaq 2024-2030
- Kalaallit Nunaanni Timersoqatigiit Kattuffiannik suleqatigiinnissamut isumaqatigiissuteqarneq

Ilanngussaq

1. Pilersaarummut titartagaq Issittumi Illu Aalaffiusoq
2. Najoqqutassiaq

Innuttaasumit siunnersuut: Kuummiini Kulusummilu Minihali

Oqaluuserisassaq

SagsID.: EMN-2026-01486

Sulisoqarnermut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfiup Iluani Kiffartuussivimmit Meeqqanut Ilaqutariinnut Atuartitaanermullu Ataatsimiititamat inassuteqaatineqarpoq:

1. innuttaasumit siunnersuut oqaluuserineqassasoq suliallu ingerlaqqinnissaa aalajangiiffineqassasoq

Suliassamik saqqummiussineq

Sumiiffinnut Nuup avataaniittunut tunngasunik innuttaasut siunnersuutaat pineqartillugit, siunnersuutip oqaluuserisassanngortinneqarnissaanut taamaallaat taasinerit 50-it pisariaqartinneqarput. Tamanna kommunalbestyrelsip maajip ulluisa 23-anni ataatsimiinnerani Kommunalbestyrelsimit aalajangiiffineqarpoq. Innuttaasumit siunnersuut ” Kuummiini Kulusummilu Minihali” 50-it sinnerlugit taaneqarsimammat politikikkut suliarineqartussanngorpoq.

Innuttaasup siunnersuutaa imaappoq:

“Aluu Kommuneqarfik Sermersuumi aqutsisut. Ukiuni arlaqalersuni Kommuneqarfik Sermersuumi qinersisoqarnialeraangat qineqqusaarutaajuaannalersut ilagivaat nunaqarfinni atugassarititaasut pitsanngorsarnissaat. Qineqqusaarutaannaasarnerat qatsunnarsivoq, piffissanngorpoq ineriartortunut malinnaalernissaat. Kommuneqarfik Sermersuup GIF suleqatigalugu Ataatsimoorluta Aalasa siuarsarniarlugu aallartisarnikuuaat. Tamannali naammanngilaq. Timersortartut peqatigiiffii Tasiilami nunaqarfinnilu eqqaamiui arlaqarput. A.T.A Tasiilamiit, TM-62 Kulusummiit, K-64 Kuummiuniit, S-83 Sermiligaamiit, IT-80 Isortumiit, Nanoq-78 Tiniteqilaamiit. Qanga K-64 Kuummiuneersut taavalu TM-62 Kulusummeersut unammersuartarsimapput klubbinit allanit pikkorinnerujussuullutik. Ukiuni kingullerni Tasiilami ukkatarineqarsimapput timersortarfiusinnaasut. Timersortarfeqarpoq, minihaaleqarpoq massakkullu multibanet marlungnornikuullutik. Taamaalluni ukiuni kingullerni A.T.A.-mi timersortartut angusarissaaraluttuinnarlutik. Nunaqarfinni timersortarfeeqqat (minihaalit) ukiuni arlaqalersuni qineqqusaarutaajuarsimapput piviusunngunngisaannartut. Piffissanngorsorivara tamanna allannguuteqarnissaa. Kulusumi Kuummiunilu innuttaasut nunaqarfinnut allanut sanilliullugit inuttunerupput, timersornikkullu angusarissaartartut ilagalugit. Taakkuli timersortarfeeqaratillu timersortarfeeqanngillat (minihaaleqanngillat). Isumaqarpunga tamanna allanngortariaqalersoq. Kuummiuni arsaattarfik ivigaasaaqqanik pilersitsiffiunikuuvoq, Kulusumili arsaattarfik pisoqalivoq atorneqarunnaarnikuullunilu. Kulusuup atuarfiata silatinnguaniippoq multibane, taannalu atorluarneqartaqaaq allanik periarfissaqanngimmat ukiuuneranili atorneqarsinnaanngitsumik. Kuummiuni Kulusumilu minihaalitaarsinnaappata peqqinnissamik siuarsaaneq, timimik aalatitsineruneq taavalu sungiusartarnerit assigiinngitsut periarfissaalissapput. Peqqinnarnerusumik inuuneqalernissaaq qaninnerulissaaq timersortartunullu pimoorussilluinnartunut atugassarititaasut pitsanngoriaateqalerlutik. Pinaveersaartitsinermik suliaqartut oqilisaaffineqassapput, atuartut eqaarsaarfigisinnaasaannik periarfissat ilaneqassapput nunaqqataasunullu peqqinnarnerusumik inooriaaseqalernissaaq qinigaassanngussalluni. Tasiilami timersornikkut kisimi inerisaasoqarani nunaqarfiilli taakku marluk (Kuummiut & Kulusuk) inerisaaffineqarlik.”

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Innuttaasunik peqataatitsinermi periusissaq

Ilanngussaq

Ilanngussaqanngilaq.

